



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Symbolum LX. Ceyx & Alcyone in halcyones aves.

[urn:nbn:de:hbz:466:1-68709](#)

S Y M B O L V M L X.

Ceyx & Alcyone, in halcyones aves.

II. Metamorph.

Ethice.

1. Conjugalis fides & amor. 2. Dura prolis educatio. 3. Amor
in ipso sepulchro. 4. Difficilis delectus matrimonium incuntum.

Ceyx Luciferi, sideris matutini, fuit filius, Trachiniorum in Thesalia rex. Uxor ejus *Alcyone*, Aeolo nata. Summus extitit amor inter hos conjuges, summa concordia, fidésque. Cæterū arrogantior fuisse Ceyx perhibetur: cui ob generis splendorem, opes, & formam corporis adeò creverant animi, ut se *Iovem*, uxorem verò suam *Iunonem* appellaret, non sine gravi offensione superum, qui variis eum prodigiis terruerunt. Quare cladem sibi aliquam metuens ex Thessalia ad Apollinis Clarii (est autem Claros seu Clarium civitas Joniæ) oraculum, consulturus vaticum Deum, navigare constituit. Uxor intellecto viri periculō, multis rationibus dissuadere iter maritimum institit; sed quanquam omnes ad animum mariti expugnandum arietes, omnésque blanditias admoverat, eum tamen à suscepto consilio revocare non potuit. Navigat ille, & facto naufragio, cum sociis omnibus, mari submergitur. Conjugi de viri fortuna supra modum sollicitæ, apparelt in somnis, squalida mariti facies, qualis marinis fluctibus jactabatur. Territa Alcyone miserabili aspectu, summo diluculo ad mare, unde Ceyx solverat, gradum confert; ubi dum planetibus & lacrimis auras implet, ejicitur in littus vi fluctuum, exanime, & lacerum *Ceycis* cadaver. Quod agnitō, dolore amens facta, è crepidine littoris in subjectum pelagus se præcipitem dat: & in ipso casu, miseratione Deum, in *alcyonem* avem mutatur; Ceyx verò in masculum ejusdem generis vertitur.

Ethica.

I. (a) Conjugalis fidei & amoris non simulati, paradigma præbent hi conjuges, quorum benevolentia & mutua dilectio, ne violentia quidem

(a) *Conjugalis fides & amor.*

quidem morte tolli, obliterarive potuit. Nam 1. magnus amantis affectus in Alcyone se prodidit, dum maritum à profecione marinâ, ejus saluti impensè timens, omnibus modis deterrere laborat.

2. Apparet in Ceyce amor mutuus, dum in sævissima tempestate & naufragio, conjugis magis, quām suimet memor, omnes cogitationes in relictam suam Alcyonem intendit, Poëta canente :

Alcyone Ceyca mover : Ceycis in ore
Nulla nisi Alcyone est : & cùm desideret unam,
Gaudet abesse tamen.

3. Alcyonis pro marito absente sollicitudo assidua, & precatio ad Junonem pro ejus salute. Quæ ut ne sit inanis, Dea nuntiam suam Irim ad somnum mittit, jubetque, ut is miseræ dormienti virum Ceycem in mediis aquis morientem, spectandum figuret. Quod & factum.

4. Egressa ad littus Alcyone, exanime corpus naufragi, ad se propius delatum agnoscit. Quid ibi ex dolore non facit ? Vates describit :

----- Ille est, exclamat : & unà
Ora, comas, vestem lacerat: tendénsque trementes
Ad Ceyca manus: sic ô charissime conjux,
Sic ad me miserande redi?

5. Præ amoris magnitudine in molem portui præstructam inslit
----- mirumque fuit, potuisse; volabat:
Percutiensque levem modò natis aëra pennis,
Stringebat summas ales miserabilis undas:
Dumque volat; moesto similem, plenumque querelæ
Ora dedere sonum tenui crepitantia rostro.
Ut verò retigit mutum, & sine sanguine corpus;
Dilectos artus amplexa recentibus alis,
Frigida nec quicquam duro dedit oscula rostro.
Senserit hoc Ceyx, an vultum motibus undæ
Tollere sit visus, populus dubitabat: at ille
Senserat & tandem superis miserantibus, ambo
Alite mutantur, fatis obnoxius iisdem
Tunc quoque manist amor, nec conjugiale solutum est.
Fœdus in alibus: coëunt, fiuntque parentes:
Pérque dies placidos hiberno tempore septem
Incubat Alcyone pendentibus æquore nidis,

Tum

Tum via tuta maris : ventos custodit, & arcet
 Aëlus egressu: præstátque nepotibus æquor.

Itaque 6. mansit amor conjugalis etiam post fata in illis , & jam facti aves , affectum tamen humanum & amorem retinent.

7. Adeò placuit Diis hæc conjugum dilectio , ut in istarum avium nidulatione , qua fit media hieme , magna tranquillitate gaudeat mare, unde in proverbium abiit. *Dies Halcyonii* , seu *Halcedonia aur Alcedonia* , pro tranquillitate , quiete , feriis , justitio accipiuntur. Illis enim diebus , silentibus planè ventis , summa est cæli serenitas. En pœmum concordiaæ maritalis , quod etiam defunctos sequitur.

8. Halcyonum nidi magnam admirationem habent , ut refert Plinius lib. 10. c. 32. Qui inter alia , hæc : Alcyon (sive Halcyon , aut Alcedo , αλκυόν τε κύριον εν αἰρῃ) avis est colore cœruleo , luteoque , vix major passere , quæ suo cum conjugे , amore & societate induvlsa sociatur , senem etiam humeris defert , nutritque . Pisciculis vescitur , ex quorum spinis artificiosè nexo , viscosoque luto adeò solidum , pineæ nucis in formam , nidum conficit , consolidatque , ut ferro diffringi , faxoque comminui vix possit ; ossiolò ita conditò , ut abditum cæteris avibus , & nec ipsi mari pervium , tanquam spongia , intranti , ex euntique cedat alcyoni. Hæc ille. Observa felicitatem unionis & fidei conjugalis , quæ nullis rerum adversarum tempestatibus , nullis armis & terroribus violari queat ; firma persistit , contra quamlibet vim foris ingruentem , sibi ipsa murus aheneus , & inexpugnabile munimentum. Ovidius , ut taceam plura huius generis exempla , uxoris suæ fidem rebus in asperis prædicat , maritum in exilium sequi omnino cupientis. Eleg. 7. Trist.

Non potes avelli : simul hinc , simul ibimus , inquit,
 Te sequar , & conjux exulis exul ero.
 Et mihi facta via est , & me capit ultima tellus :
 Accedam profugæ sarcina parva rati.

Simili modo Creusa Æneam suum in omnia pericula comitari parata est :

Si periturus abis , & nos rape in omnia tecum.
 Hic etiam , nota Castitatem conjugalem , nam in nidum alcyonum nulli avium patet accessus , nisi conjugibus.

9. (b) Educatio prolis in alcyonibus laudanda ; rigor enim disciplinæ robustos & valentes efficit liberos. In cuius rei exemplum

S. Am-

(b) *Educatio prolis dura.*

3. Ambros. lib. 5. Hexam. c. 3. has aves proponit, quæ juxta mare, tempore brumali, pullos excludunt, & nudos exponendo frigori, mari, ventis, dure educant. Talis liberorum educatio olim apud Germanos, Celtas, Thraces, Spartanos celebrabatur, de quibus Virgilius. 9. Aeneid.

Durum à stirpe genus: natos ad flumina primūm
Deferimus, lœvoque gelu duramus in undis.

Cæsar de Gallis lib. 6. Bell. Gall. In flumine perluntur, & pelibus, aut parvuis rhenonum integumentis utuntur, magna corporis parte nuda. Celtæ verò prolem natam ad Rhenum deferebant, clypeoque impositam, in gurgitem projiciebant; si undis abriperetur, notham censabant: si enatabat, suam. Turneb. lib. 22. c. 15. Claudianus in Rufinum.

Et quos nascentes explorat gurgite Rhenus.

De Spartanis Seneca Rh. Suasoria. 1. Eurotas amnis Spartam circumfluit, qui pueritiam indurat ad futuræ militiæ patientiam.

Et Sidonius in Avito.

lactentia primūm
Membra dedit nivibus, glaciemque irrepere plantis
Jussit, & attritas parvum ridere pruinias.

De Honorio Claudianus Paneg. 3. Quem genitor docuit
Frigora sava pati, gravibus non cedere nimbis,
Æstivum tolerare jubar, transnare sonoras
Torrentum furias &c.

Mollem adolescentem notat Horatius lib. 1. Od. 8. quod timeat flavum Tiberim tangere; id est, natatui se committere. Non incongruum huic est loco, quod de Lycurgo, Lacedæmoniorum Legislatore narratur; qui quanta vis sit educationis, civibus suis ostensurus, duos catulos ejusdem matris assuefecit, unum venationi in silva, alterum in culina, patinis ablingendis; quod factò, ad diem dictum produxit utrumque in forum; & hinc quidem lebetem carnium posuit: illinc leporem dimisit; currentibus è vestigio canibus, illò ad escas, hoc ad leporem. Plutarch. in Lacon. Unde apparet, quantum momentum in institutio- ne prima sit positum; quod ut faciant homines, docent alcyones. Vi- deas puerorum alios tantum ad fruges consumendas natos; alios ad ar- tes liberales venandas factos. Evidem ferè conjuncta sunt, edacitas & stoliditas. Lacedæmonii pueri decimo quoque die Ephoris (id est

Cen-

Y y

Censoribus publicis) sifere se cogebantur. Hi, quem molliorem, pinguoremque cernebant, plagiis onerabant. *Plut.* in Lacon. Si mos hic pluribus vigeret in locis, ne pauciores essent Boeotii, & rario stupidiatis ac hebetudinis preventus.

10. Denique Plutarchus libro, utrum terrestria, an aquatica animalia plus rationis habeant, alcyonem sapientissimum, & divinissimum marinorum animal appellat. Hæc enim avis, gravem annis comparem, & ægrè sequentem, suscepta cura fert, foveatque senem, nusquam destituens, nusquam post se relinquens: nam & dorso impositum gestat, magnò charitatis conjugalis argumento; quæ pari affectu floridam & blandientem juventutem, & ægrescentem senectam foveat, & amplectitur. Quid quod aves istæ feruntur adeò tueri jura conjugii, tam ardenter amare se mutuò, ut altero mortuo, simul occidat alter.

11. (c) Atque hæc de alcyonibus, Exempla amoris conjugalis alibi commemoramus, hic duo placet apponere, etiam post mortem prodigiosa. Auctorem prodo S. Gregorium Turonensem lib. de Gloria Confess. c. 42. de duobus conjugibus, qui se etiam mortuos complexi sunt in sepulchro. Admetior ejus verba: Defuncto Hilario, viro senatorio, vertente anno obiit & uxor, quæ cum eodem tumulo satis capaci conderetur, subito elevata vir dextra, conjugis cervicem amplectitur, quod admirans populus, deposito secessit operculo, cognovitque, quæ eis castitas, quis timor in Domino, quæ etiam inter ipsos dilectio fuisset in saeculo, qui se ita amplexi sunt in sepulchro. Huic subiungit & alterum, non minus admiratione dignum, par conjugum, qui suam illibatam sposo Virginum, castimoniam consecrârunt: Uxorem prius vita functam, non multò post maritus insequitur. Post cùm utriusque sepulchrum è diversis parietibus collocatum fuisset, & virum quidem ad meridiem, mulierem ad septentrionem; miraculi novitas, quæ eorum castitatem manifestaret, apparuit. Nam manè factò, cùm ad locum populus accederet, invenit sepulchra conjuncta, quæ atè distantia viderat. Scilicet ut quos tenet socios cœlum sepulchorum, hic corporum non separat monumentum. Hos usque hodie duos Amantes vocare incolæ loci voluerunt. lib. cit. c. 32. Ita qui in vita castè & unicè dilexerunt se, in morte non sunt separati.

Sed quārare sunt aves hæ! Plerisque maritatos si interroges: quid est conjugium? respondebunt, *In gum*, & nimis quidem quārare grave. Colligati sunt vinculo non byssino, sed ferreo, veluti duo canes rixosí si unâ

(c) *Conjugum amor in ipso sepulchro.*

Si unā catenā. Paulus de hoc vinculo 1. Corinth. 7. *Alligatus es uxori, noli querere solutionem.* Vinculum durum, adamantineum, sola morte solvendum; quod tamen emollit charitas, & onera connubii in dies Halcionios convertit.

II. (d) Hic nota, quemadmodum magna felicitas est, reperire uxorem bonam, ita magna difficultas est, eligere, quae sit bona. Nam sepe, inquit Vir disertus, (Georg. Stengel. tom. 2. de Judic. diu. c. 22.) quae pudore vultus, oculorum dejectione, modestissimo incessu *Angelum* pra se fert, & est virginum exemplar, si eam de fronte aestimes; at si mores experiaris, in Sphingem, aut Harpyiam incidisti. Accipe vetus documentum, quisquis Alcyonem domum ducere cogitas:

Quae tibi ducenda est, habeat P. quinque puella:

Sit Pia, sit Prudens, Pulchra, Pudica, Proba.

Hoc sibi etiam nupturæ dictum puteat de futuro marito. *Martia* Catonis filia, interrogata, quam ob causam, post mariti mortem alii se copulare viro renueret? Respondit, quia non facile invenero virum, qui me magis velit, quam mea. Non nemo ita canit:

Ergo mihi uxorem qualem ducam? Anne puellam?

Hæc forsan veniet non satis apta mihi.

An viduam? dominam quis possit ferre tonantem?

An vetulam? tolerat quis patienter anum?

Fœcundam? fœcunda domum mihi prole gravabit:

An sterilem? sterilis non decus arbor habet,

An ditem? magis est nihil intolerabile dite.

Ast inopem? quid opis ferre valebit inops?

Pauciloquam? non me poterit recreare loquendo.

Verbosam? mulier res onerosa loquax.

Formosam? variis est subdita forma periclis.

Deformem? pœnam ducere nunquid amem?



Y y 2

SYM-

(d) *Difficilis deletus matrimonium innire voluntum.*